

Barweetaab Āyēēng' nyēbo Bētērō

Taayta

Siriintēēt, yēē /kikēēsirē āk wōlēē /kikēēsirēē:
 Kisirē :Bētērō barwaani kumiitē kiriinkēētaab Rooma ām kēnyitaab 67 nto 68 KK, kukāākung'ēt :bēsyōōs chēē ng'ēri / keebakach. Kutakurataat :Bētērō kukānyē / keebakach, koosoot yoo kimwoochinē :Yēēsu kule mēēbērē mākōōlil :inee (kas kur. 1:14 āk Yoowaana 21:18-19).

Kiyēē āmu āk nyēē ibooru: / Kēētākyinē barwaani biikaab Kiriistō / kēēmwoochinē kule kuriibēē keey wōlēē mii :kāānēētikaab lembech āk ng'aleekaab miyoootyo nyēē yibu :kāānēētuutēchoo. Iboorchinē bichoo bo Kiriistō kule bo koomānuut kukiilchi :chii kāānēētuutēkaab manta kurubta keey Yēyiin āk Kiriistō, kuu yoo kyoomchinē icheek :lēbkēēyik choo kiboontootē keey Yēēsu. Māchāmchiintōōs :Bētērō āk kāāsōōtēywēēkaab biiko alak choo mwooyē kule -mēēyēēwu :Kiriistō. Mwooyē :Bētērō kule yitu ‘:bēsyēētaab Mokoryoontēēt’, nteenee tākōōkēniisyē :Yēyiin kuuyu tinyē muytaayeet āmāmākyinē chii meet. Yoo /kākēēlē ‘bēsyēētaab Mokoryoontēēt’ ām wōlēē wuunto ām yuutēyu, kōōbooru kule bēsyēēt nyēē iwutēē keey :Yēyiin ām kēēlto nyēbo kwōng'uut ng'aleekaab biiko. Irābchinē bēsyēēt nyoo itiilchinēē biich :Yēyiin ng'aleek ānkōōmuuchē kōōboor chōōnēētaab Yēēsu. Kuu wōliitēnyi kāstoooy :Bētērō, ikiimchinē nanyuun biiko choo kāsē ng'aleek chēē mii barwaani kuminyē ām kēēlto

nyēē kiikōōwoonkyi kāāsōōtēywēēkwaan Yēyiin ānkumuytoochinē nyāliluutēkwaan yooto kukānyoonu ām mooyēēt akeenke chōōnēētaab Yēēsu nyēbo āyēēng'.

Kyoorōōr keey :Bētērō ānkumākyi biiko bērur

¹ Anii Simōōni Bētērō nyoo āyēchinē Yēēsu Kiriistō yiisyēēt ānkāāyēku *lēbkēēyiintēēnyii. Asirwook akweek choo kōōkēēnyōōru :tukul kāāyēnchinooyēēt nyēbo kwōng'uut ankeechurte ām taayeetaab Yēyiin kubununēē Yēēsu Kiriistō. Inee :Kāārārookiintēēnyoo ānku Yēyiintēēnyoo.

² Kōōbēruurook :Yēyiin miisin ḥnyōōru kaalyeet yooto tukul ḥtāsē taay ḥnkētē inee āk Yēēsu Mokoryoontēēnyoo.

Ōkimkimiitu ām kiirnātēētaab Kiriistō

³ Kikōōnēēch :Yēyiin ām kāāmuukēywēēkyii kiy ake tukul nyēē yēyēēch kēēminy kuu wōloo māktooy :innee. Yēyāktōōs kuu nyooto yoo kēētāsē taay kiinkētē inee. Kiikukuurēēch sukurōōbwēēch wōōyinnyii āk karaamateenyii. ⁴ Yoo kayey :Yēyiin kuu nyooto, kukaakooyiich tukuuk chēbo kwōng'uut choo kikuurtoowēēch. Yooto, +mākēēnyōōru soboontaab Tāmirmiryēēnyii ankeechililee rōkōstaab kōōrooni nyoo yibu :muchasta nyēē miyaat. ⁵ Kunyi, osyeem wōlēē ḥmuuktooy okas kule katas taay :kaakaaseeng'woong'. Otasee kaakaaseet ātēbuutēk chēē kāāroomēch ankootasee ātēbuutēchoo kiirnātēēt. ⁶ Otasee kiirnātoonoo riibēētaab keey ankootasee riibēētaab keey

muytaayeet. Otasee muytaayeet kāāburto nyēē māchē Yēyiin ⁷ ankootasee kāāburoo chamateetaab biich chēē tuubcho. Yoo kooyey kuu nyooto, +mōōbuurē ām chamateetaab Yēyiin.

⁸ Yoo ūboontē ng'aleechu kuyem, ūyēchinē Yēyiin yiisyēēt nyēē karaam miisin ānkōōkimkimiitū ām kiirnātēētaab Mokoryoontēēnyoo Yēēsu Kiriistō. ⁹ Nteenee yoo -mōōboontē, ūkōryootiin āmōōnkētē kiyēē mākwook :Yēyiin ānkyōōwuutyeē kule / kikiiwuuntoowook ng'ōōkiswookikwook. ¹⁰ Kunyoo, lēyyē, mbo ng'eetaabiya, osyeem wōlēē ūmuuktooy ūyēyē kiyēē ibooru kule kiikukweyaak :Yēyiin ūyēku cheechii. Yoo kooyey kuu nyooto, -mōōbootōōsii, ¹¹ anku +/makeetoroochaak ūwut Kaab Mokoryoontēēnyoo Yēēsu Kiriistō nyoo Kāārārookiintēēt wōlēē +mābōōminy ākookoy.

Kiikeekas wōōyintaab Kiriistō

¹² +Māāsōōtwook kwaak ng'aleechaata, ānkoo kyōōnkēt sinee ānkyōōkiilchi ng'ālyoontēētaab man nyoo kyōōnyōōru. ¹³ Ākāsē kule karaam āboorwook ng'aleechuutēchu, yoo tāāsobē, ¹⁴ kuuyu ānkētē kule āmiitē wāāmēē kuu yoo kiiboorwoo :Mokoryoontēēnyoo Yēēsu Kiriistō. ¹⁵ +Maasyeem wōlēē āmuuktooy āboorwook ng'aleechu sōōsōōtē ām bēsyōōsyēk tukul yoo kāmāāmiitē kōōrēēt.

¹⁶ Yoo kikēēmwoowook kule mākōōyēēw :Mokoryoontēēnyoo Yēēsu Kiriistō ām kāāmuukēywēēkaab Yēyiin, mēēbērē kikēēmwoowunēē tyoonkōōchoy chēbo ng'oomnān, nteenee kiikeekasee :acheek wōōyinnyii koonyekyoo. ¹⁷⁻¹⁸ Kikeekas :acheek

kuutiit nyēē kichōōnēē barak yoo kikēēmiitē āk
inee lekemaanaa kitookunēē :Yēyiin. Kiitōrōōr
:Yēyiin inee ānkōōkoochi wōōyinto kumwooyē
kule, “Inyiing’ lakwanyuu nyēē āchāmē
ānkāāng’ērēkyinē.”†

Onam ng'aleekaab wōōrkooyikaab Yēyiin

¹⁹ Kunyoo, /kikiititiir ng'aleek choo kimwooyē
*:wōōrkooyikaab Yēyiin. Karaam miisin ḍyēbchinē
yiit wōōrkooyichu bo Yēyiin kuuyu kerkeey
:lōkōōywēkwaa taariit nyoo lāyē kwēēmooy
ākoy bēsyoonoo mākōōrir :kōōrēēt kutook
:toboyaanteet* kōōluuchook akweek. ²⁰ Nto
miisin, māchē ōnkētē kule kimāwōōrkooyēnēē keey
:wōōrkooyikaab Yēyiin, ²¹ nteenee kiiboorchinē
:Tāmirmiryēētaab Yēyiin kumwoowu ng'aleekaab
Yēyiin.

2

Kāānēētik choo bo ng'wiilyan

¹ Kitook kēny :wōōrkooyikaab lembech ām
wōlēē mii :biikaab Yēyiin, nto ām kēēlto nyēē
wuu nyooto mākukwoonchook :kāānēētikaab
lembech. Mākuwoow keey kukwoontooy
kāānēētēywēēk chēē mābo man. Iburyēētē
biich :kāānēētēywēēchoo ānkutāyē mbo :icheek
Mokoryoontēēt nyoo kiwālāng'wēēch. Nteenee
yoo kayit :tabanta, kuburyētōōs :kāānēētichoo
areet akeenke. ² Makurub :biiko chēē chaang'

† **1:17-18** Mataayo 17:5; Māārkō 9:7; Luuka 9:35 * **1:19**
Kaayneet ake ku kubnoonkowut. **1:19** Tyēēn. 119:105; Room.
1:2; 13:12; 1Bēt. 1:10-11 **1:21** 2Tēm. 3:15-16 **2:1** Mat. 7:15;
Kala. 1:7-9; 2:4

ng'ōōkiswookikaab kāānēētichoo ankuyey / keeng'alaalee nyēē miyaat kēēltaab manta.

³ Mākōōchuitunēēnook :kāānēētichu mētēwoy tyoonkōōchoy chēē itoonyē buch kumāchē chēēbkiisyong'. Kiisimkuchōb keey :Yēyiin kēny kooruusta bichoo ankiikuyeyta keey :kāāmukuusiintēēt.

⁴ Manaasaayee :Yēyiin malayikaanik choo kiyēyē ng'ōōkisto, nteenee kiwiirchi kāābkwoombiich wōloo tuuy ānkurātootiin ām nyōrōōrōōnik kukānyē bēsyēēt nyēē +/ mābokiitiilchinēē ng'aleek.

⁵ Manaasaayee :Yēyiin kōōrēēt nyoo kibo kēny, nteenee kitōōrchi taambiliyleet koowaang'ta kibrōkōsiisyēk. Biiko baateey chēē kisār :Yēyiin ku Noowa ākoo biikyii tisab. Inee :nyoo kyoomu lōkōōywēkaab manta.

⁶ Kiimukuusēē maata kiriinkōōsyēkaab Sōtōm āk Komoora sukuyēk kāānēētēywoo ām wōlēē mii :biiko choo mārubē ng'aleekyii. ⁷ Kisār yooto :Yēyiin Lōōt nyoo kichurtaat ānkiiyimē :ng'aleekaab biich chēē ki sikoran āmēēywēyē kiruutēk. ⁸ Kiming'iisyē :chiichoo āk bichooto ānkikāsē kiyēē kiyēyē :bichoo kwaak. Kiiyiimē :ng'ōōkistaab bichoo kāāsōōtēywēēkyii chēē ki churtootiin.

⁹ Kunyoo, inkēt :Yēyiin wōlēē sāruntooy biiko choo iyēnchinē inee kung'ēētyēē nyāliluutēk. Inkētē mbo wōlēē riibtooy kibrōkōsiisyēk choo rātootiin ākoy bēsyēēt nyoo / kiitiilchinēē biiko

tukul ng'aleek. **10** Nto chēē +/ mākiing'woonchi miisin ku choo rubē ng'aleekaab muchas ānkutāyē /keebayta.

Rēērchinē keey :kāānēētichu bo lembech tāmirmirook chēē miyootēch choo kōrōōmēch nyēē mānyōkōriitu kuchubē. **11** Ntēē māchub mbo :malayikaanik choo boonto kāāmuukēy miisin kubiir kāānēētichoo tāmirmiroochoo ām taayeetaab Mokoryoontēēt. **12** Chubē :bichu mbo kiyēē -mēēnkētē. Kerkeey :icheek tyoong'in choo -mēēnkētē kiy. / Kikēēyēyē / sikēēnāmē / ānkēēbākāchē kityō. Mākubootyo :bichu kuu tyoong'iichoo. **13** +/ Mākiing'woonchi bichoo / kēēyookiyinēē kiyēē kiyēyē :icheek. Chāmē ng'aleekaab muchas kulebkeey :kōōro. Sōōr :bichu nyēē intosuurē biich ām kaabsaakwa. **14** Kiikōōwoonkyi :bichoo kāāsōōtēywēēkwa ng'aleekaab martaayeet āmēēmuunyē kuyēyē ng'ōōkisto. Ibērbēērootē choo kuskusēch kōōsuuchi ng'al chēē miyootēch. Kiikubāw mbo icheek :mooroong'nateet anku +/ makiiruusta. **15** Kiikubakaakta kēēlto nyēē chuulaat ankurub kēēltaab *wōōrkooyoontēēt Balaam araab Beyoor nyoo kicham / kiikoochi beesaan sukuyey kiyēē miyaat. **16** Nteenee kikerekta :sikiryēēt solwoontiinyii yoo king'āloolē kuu chii.

17 Buch :kāānēētichu bo lembech kuu lōōswēk choo kiikutēēnkyo, nto boolik choo iwuuyē :yoomat āmā roob. Kiikuchōbchi :Yēyiin bichooto kāābkwoombiich wōlēē kikerakay :mēēnān.

2:9 Mat. 6:13; 1Kōōr. 10:13; Ng'oong'. 3:10 **2:14** Mat. 5:28;
1Tēm. 6:5; 2Tēm. 3:6-7 **2:15** Kāāyiit. 22:7, 17 **2:16** Kāāyiit.
22:28-33

18 Yēyiisyēē ng'al chēbo ng'wiynan kōōchuutunēē biiko choo kātākumwēyēē rōkōsto, kōōyēēchi ng'aleekaab muchas kulumchi martaayeet.

19 Kuurtoochinē :kāānēētichoo bichoo rātootiin kule +/makiityaach, nteenee rātootiin :nkicheek ām ng'al chēbo rōkōs chēē yēyootē, kuuyu kiy ake tukul nyoo ibēlē chiito kubāwu :kiyooto chiichoo.

20 Yoo kāākōōnkēt :chiito Mokoryoontēēnyoo nyoo Kāārārookiintēēnyoo Yēēsu Kiriistō ānkāākumwēyēē ng'ōōkistaab kōōrooni nto yityo kumuutmuutyi keey ng'ōōkisoo, kwoorānē. Yooto mākumiyātyi chiichoo miisin kusiir yoo kitākumii mēēnān. **21** Kikaykay ām wōlēē mii :inee nto kimānāākōōnkēt kēēltaab manta kusiir kōōnkēt nto yityo kumaasakay kutay ng'ālyoontēētaab Yēyiin nyoo /kikiikoochinē inee. **22** Ibooru :kiyēē yēyāktōōs ām wōlēē mii :chiichoo kule bo man ng'ālyoontooni /kēēmwōoyē kule, “Iyēēchinē :ng'ōōk kaang'uung'taakyii,”† nto “Kooyeey :nkurwēēyit nyoo /kākiiwuun wokoomilmiilee ruurēētyēēt.”

3

Ōchōb keey kubo bēsyēētaab Mokoryoontēēt

1 Lēyyē, chōōrōōnuutēkyuu, barweetaab āyēēng' :nyiitēnyi āsirwook. Kwāāsirwook bārōōnōōchuutēchu tukwaay ākiimēē kāāsōōtēywēēkwook kuchuulākiis. **2** Āmāchē ōsōōtē ng'aleek choo kimwooyē *:wōōrkoooyikaab Yēyiin kēny ākoo mākuutyēētaab Mokoryoontēēt ānku Kāārārookiintēēt nyoo kikōōnook *:lēbkēēyikwook.

2:19 Yoowa. 8:34 **2:20** Mat. 12:45; Ibu. 6:4-6; 2Bēt. 1:11 **2:21**

Luuka 12:47-48 † **2:22** Kāālēwēnik 26:11 **2:22** Yuuta 4-13

3 Māchē ōnkētē kāroomin kule ām bēsyōōsyēk chēbo lētuut mākutook :biiko chēē kiikubāw :muchastaab bōōrwoonikwaa. Mākōōnchuruurook :bichoo **4** kumwooyē kule, “Kikiikukuurto oob :Yēēsu kule mākōōyēēw? Ara mii ānō :inee naas? Nto ii, ntēē tākōōyyoong'oot :kiy ake tukul kuu yoto / kikēēyēē kōōrēēt kung'eetee bēsyōōsyēkaab mbo kuuko ākoy raat?”

5 Kikwētyi buch :bichoo kumwooyē kule kimāyēyē :Yēyiin kēny barak āk ng'wēny kubununēē ng'ālyoontēēnyii. Kitookunēē :kōōrēēt bēēko ānkusātyi :Yēyiin bēēko komos sukutook :kōōrēēt **6** ānkōōmukuusēē bēēko kōōrēēt bēsyoonoo kibo taambiliilyet. **7** Riibē :Yēyiin barak āk ng'wēny kubuntēē ng'ālyoontoonootonyii ākoy bēsyēēt nyoo /kiimukuusēē maat yoo /kiitiilchinē /ankeemasta biiko choo mābo Yēyiin.

8 Chōōrōōnuutēkyuu, ōnkēt kule ām wōlēē mii :Yēyiin, kerkeey :bēsyēēt akeenke āk kēnyiisyēk kisyereet akeenke ānku kerkeey :kēnyiisyēk kisyereet akeenke āk bēsyēēt akeenke.

9 -Mēēkooyē keey :Yēyiin ām kiyēē kiikukuurto kuu yoo isōōtē :biiko alake. Nteenee muytoochook kuuyu māmāchē kule kubot :chii. Mākyinē biiko tukul kuweeksee ng'ōōkiswookikwaa.

10 Mākumuung' :bēsyēētaab Mokoryoontēēt kuu chōōriin. Mākubot yoto :wōliin bo barak kōōruumootē ānkumukkus :kookeelik āk araaweet ānkubēk :kōōrēēt kuboonto tukuukyii tukul.

3:3 Yuuta 17-19 **3:3** 2Tēm. 3:1 **3:4** Isa. 5:19; Cherem. 17:15;

Ēsēk. 12:22; Mat. 24:27, 48-51 **3:5** Toowu. 1:6-9; Ibu. 11:3 **3:6**

Mat. 24:37-39; 2Bēt. 2:5 **3:8** Tyēēn. 90:4 **3:9** Room. 2:4; 1Tēm.

2:4 **3:10** Isa. 34:4; Mat. 24:27, 43

11 Ara yoo +/ mākiimukuus tukuuchu tukul ii, kumāchāktōōs ūbuurtē ānō ām soboonwēkwook? Māchāktōōs ūnēmu keey ūtililiitū ūnkōōtāboonchi keey Yēyiin. **12** Ōkānyoonu bēsyoonoo bo Yēyiin ūnkōōwururuurē kulēēkitiit. +/Mākiimukuusēē maat wōliin bo barak ūnkuchōlyo :kookeelik āk tukuuk alak tukul bēsyoonooto. **13** Nteenee kēēkānyē barakuut nyēē lēēl āk kōōrēēt nyēē lēēl nyoo churtaat wōloo kikuurtooy :Yēyiin.

14 Kunyoo ii, chōōrōōnuutēkyuu, kuu yoo ūmiitē ūkānyoonu bēsyoonooto, māchāktōōs ūsyēēmē wōlēē ūmuuktooy ūbuurē ām sobonto nyēē ūtilil si nto yoo ūbēētii taayeetaab Yēyiin, -mōōtinyē ng'uusng'uusyo. **15** Ōnkēt kule muytooy :Yēyiin / sikiiraraach biiko. Kisirwook kuu nyooto nkinee :ng'eetaabiya Bāwulō nyoo kēēchāmē kuyēyiisyēē kiirnātēēt nyoo kiikoochinē :Yēyiin. **16** I-ārōōru :inee ng'aleek chēē wuu chuutēchu ām bārōōnōōkyii tukul. Miitē :ng'aleek alake bārōōnōōkyii chēē mā nyumnyumēch / keekas. Itoomē :maanayiisyek āk choo tākōōwiyyiitōōs ng'aleekyii. Nyēērēē :bichu siruutēkaab Yēyiin alak, ng'ālyoo nyēē makuyey :icheek kubootyo.

17 Chōōrōōnuutēkyuu, kuu yoo kōsimākāloonwook, ūriib keey, simayeyaak :ng'aleekaab biiko choo mārubē Yēyiin ochabaayte ām kiyēē ūyyoong'unēē. **18** Otas taay ūtitiir keey ām chamateet āk kiirnātēētaab Yēēsu Kiriistō Mokoryoontēēnyoo nyoo Kāārārookiintēēnyoo. Kutōrōriit :inee ākookoy. Kuwuuyiit nyooto.

Biibilya Nyēē Tiliil

New Testament in Sabaot (KE:spy:Sabaot)

copyright © 2011 Wycliffe Bible Translators, Inc.

Language: Sabaot

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9966002030

The New Testament

in Sabaot

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
c68c9dca-518f-544b-a52e-82240cf64928